

bat ad Joas patrem familiae Ezri: cumque filius ejus Gedeon excuteret, atque purgaret frumenta in torculari, ut fugeret Madian, monetur ab Angelo, ut liberet Israël de manu Madian, ipseque holocaustum offerens Deo; Angelus virga, quam manu tenebat, tetigit carnes & panes azymos: ascenditque ignis de petra, & carnes, azymosque panes consumpsit. Tum & Gedeon destruxit Aram Baal, lucumque succidit, unde Jerobaal dictus est. Erat & penes Ephra Lapis sive Scopulus, sive Castrum.

Ephraim Tribus à Mari ad Jordanem extensa majorem obtinet Samariae regionis partem, sic dicta ab Ephraim secundo filio Joseph, sed quem majori, qui Manasse, prætulit Jacob, cum utrique benediceret. Ex hac Tribu fuere Elisama filius Ammiud Ephraimitarum 40500. princeps in Deserto, Numer. 1. v. 10. & 33. Osee qui postea dictus Josue filius Nun explorator Terræ Chanaan, 13. v. 9. & post Moysen Israëlitarum Dux, sub quo 32500. Ephraimitæ Terram Promissam ingressi sunt. Camuël filius Sephtan divisor Terræ Promissæ, 34. v. 24. Abdon filius Elél Phara-tonites Judex in Israël. Lapidoth maritus Debboræ gubernatricis in Israël. Ahias Silonites Propheta, qui Salomonis Regnum dividendum prædixit. Jeroboam, & filius ejus Nabath Reges in Israël, aliique. Hujus Tribus descriptio est Josue 16.

Ephraim Mons plurima ex parte est in Tribubus Ephraim & Benjamin, & radices extendit in varias utriusque Tribus partes, unde Sichem dicitur in Monte Ephraim, Jos. 20. v. 7. & 21. v. 21. cap. autem 24. v. 30. sepelierunt eum (Josue filium Nun) in finibus possessionis suæ in Thamnat-fare, quæ est in Monte Ephraim, & Septentrionali latere Montis Gaas. idem Judic. 2. v. 9. sed & Josue 24. v. 33. Eleazar quoque filius Aaron mortuus est, & sepelierunt eum in Gabaath Phinees filii ejus, quæ data est ei in Monte Ephraim. Judic. 4. v. 5. dicitur Bethel in Monte Ephraim. Judic. 10. v. 1. Thola filius Phua Patruí Abimelech vir de Isachar, qui habitavit in Samir Montis Ephraim. 1. Reg. 1. v. 1. Vir fuit unus de Ramathaim Sophim, de Monte Ephraim, & nomen ejus Elcana. 9. v. 3. Saül Asinas patris quærens transiit per Montem Ephraim. Sunt autem Urbes Gabaa, ubi domus Saül: Gabaath, in qua sepultus Eleazar: & Bethel in diversis partibus Benjamin: Sophim & Gaas Montes, & urbs Ramatha in confiniis Benjamin & Ephraim: Sichem & Thamnat-fare urbes, & Samir Mons in diversissimis partibus Tribus Ephraim. Ex quibus colligere est, omnes utriusque Tribus Montes sub uno Montis Ephraim nomine aliquando comprehendi. Maximus tamen eorum Montium tractus est is, qui Tribum Benjamin dividit à Tribu Ephraim, & aliquando Regnum Juda à regno Israël: Ex quo 2. Paral. 19. v. 4. Habitavit Josaphat in Jerusalem, rursusque egressus est ad populum de Bersabee usque ad Montem Ephraim, & revocavit eos ad Dominum... hoc est per totum Regnum Juda, cujus termini Bersabee ad Meridiem; Mons Ephraim ad Septentrionem.

Ephraim Saltus in Tribu Gad, 2. Reg. 18. v. 6. Et factum est prælium in Saltu Ephraim, v. 7. & cæsus est ibi populus Israël ab exercitu David, v. 9. Accidit autem ut occurreret Absalon servis David; sed mulo infidens, fugiensque, quercui condensæ ramis suspensus est, & à Joab confossus periit.

Ephrem Joan. c. 11. cum Jesum ad mortem quærerent Judæi, v. 54. jam ipse non in palam ambulabat apud Judæos, sed abiit in regionem juxta desertum, in civitatem, quæ dicitur Ephrem, & ibi morabatur cum discipulis suis.

Ephron urbs, quam cepit Aza Rex Juda, fugato Jeroboam Rege Israël, eaque est in Tribu Ephraim, non ut quidam putant in Benjamin, 2. Paral.

Latit.
Gr. Scr.

Longit.
Gr. Scr.

32. 0. 66. 50.

51. 52. 66. 5.

32. 15. 67. 45.

31. 53. 66. 57. $\frac{1}{2}$

31. 48. 66. 27.